


饒州府志

DM 250.81  
132  
31-72  
132



叙

辛酉春余受

命分巡饒九南三郡而駐節

於饒自唐刺史薛振而

後顏文忠王忠文范文公

饒州府志

查序

繼知罷事故江右之名宦莫

盛於饒夫饒郡以饒得名

歐陽廬陵曾言余竊謂

江右當閩粵吳楚之交素稱

瘠壤而饒處其東偏有鄱湖



巨浸浩淼無際連山疊嶂  
環繞間錯無平原曠野斥鹵  
肥沃之美每當春水泛溢則  
隄田汙萊或一月兩月不雨公  
山田盡稿而且深山大澤易

藏奸穴四方有警則黃巾青  
犛彌漫山谷以故水旱頻仍  
兵荒游告似乎天下之貧且  
瘠者莫如此州而顧以饒得名  
者詎非歷代賢士大夫拊循

噢咻之功有心休養生息躋  
斯民於雍熙康阜之俗乎則  
今日之蒞茲土者可以踞然  
興矣余下車之始見夫城郭  
煙稀村墟火寒澤中鴻雁

宵旦哀鳴繞樹飢鳥無枝可  
擇不禁惻馬傷之日與守令  
諸公同心商確綢繆未雨為年  
以來殘黎稍復井臼稍安賀  
遷之稍集矣雖城郭山川之

形勝依然疇昔而其間戶口  
之多實人物之賢否風俗之  
淳漓宮觀廟墓之興廢以及  
文武仕宦之政績事功慮其  
久而湮沒失真也則脩志之  
役烏可不亟講哉我

皇上 平定三孽混一海外幅員  
之廣古所未有爰

命直省諸臣以纂脩通志省志脩  
於省郡志脩於郡 此饒志

一書所以閱數月而告成也  
時余視篆在省不獲親加參  
訂其咨訪搜羅考覈詳慎  
則郡守尚賓黃公以力居多余  
又何能為役於其成也弁弁

數言願興二三守土景先賢  
遺徽俾饒之士沐浴詩書饒  
之民涵濡耕鑿饒之俗無不  
家給人足粟陳貫朽與穰  
歌咏昇平而饒之為饒誠有

如廬陵所云者則余於是書  
真竊有深幸矣

時

康熙二十三年歲在甲子上元  
賜進士第江西按察使司分巡

饒州府志

查序

六

饒九南道副使查培繼撰



饒州府志叙

予於饒科試畢將按信州以  
卽事也太守以府志成請序  
予迫於行而未及讀其書抑  
予嘗患夫陰挾翰墨者之不

能無欺於冥漠而於志之爲  
書竊自有感也今夫沿革分  
野形勝土俗物產戶口徭賦  
之屬豈非爲政者所當知而  
記載所必詳者與然其爲物

也有形之可指有數之可推  
稽之往古驗之當今有目有  
喙者人人得講其然否如方  
者之不可以爲員如竒者之  
不可以爲偶雖有巧辨宜與

所容其虛僞者矣乃若其虛  
實真僞之難明者則有之夫  
善惡各隨人所見而又不能  
不以愛憎與乎其間是故疑  
者可以亂信似者可以附真

極其意之所至雖鑿空構立  
事迹無難而其事已往其人  
已不可追後有君子何所承  
受取信而從而正之乎就有  
正之者矣而後有君子又何

所承受取信而知夫正之者  
之必爲是乎于是乎讀其書  
者紛紜眩惑而莫知所從則  
盡舉而疑其說之不可信且  
夫讀其書而不知疑者是爲

書所愚者也其不足與於讀  
書之數亦明矣而有能疑者  
於此則又將并其可信者而  
亦概莫之信夫豈不樂成人  
之美哉誠無所承受取信以

別白其間焉耳是其爲患胡  
可勝道雖然昔之爲文獻通  
考者非饒之君子耶吾意當  
今必有蓄道德能文章而繼  
起焉者則郡志之成書如前

所患者有以知其必能免是  
矣惜乎予試事之期迫而尚  
未及讀其書也姑次第其說  
為序而以復太守之請焉  
省

康熙二十二年九月之吉

提督江西全省學政按察司  
僉事加三級前內翰林院庶  
吉士三韓高璜撰



重修饒州府志敘

皇帝既克清大憝薄海內外靡不  
臣服幅幘廣袤爲漢唐元明  
所不及於是禮臣請修一統  
志

上俞其請

饒州府志

黃序

部檄諸道各進其通志而江西  
道遂下各屬蒐葺府縣志彙  
萃以獻饒故有志叙自宋守  
史定之入

國朝前守若翟若王相繼修纂  
業有成書刻於康熙之十一

年甲寅之亂板燬於兵家遺  
繼事購諸民間漉敝不完遂  
申請

各臺東

憲指倡僚屬禮聘名儒偕鄉大  
夫士蚤夜編摩始克成帙壬

饒州府志

黃序

二

子以前事仍其舊甲寅以後  
變故紛挐蒐稽實難余薄書  
之暇手自芟訂必釐必覈捐  
俸授梓各屬咸勸凡三閱月  
書成共四十卷余例颺言於  
簡端夫饒居吳楚之間正當

中州清淑之氣江湖灌輸土  
田肥衍物產饒裕人文蔚起  
自漢唐宋明之盛爲理學豐  
穰之區甲於江外前志揚之  
備矣惟是甲寅以後農之怠  
者或喪其田女之勤者或失

其緯以至士荒於費而竇興  
之落落兵窺於伍而藜食之  
斷斷商賈之攜載罕至百工  
之世業罔嗣至若浮梁之陶  
上供大官利用天下而亦  
濫於淫巧痛於兵燹半失其

資矣以

皇上之加意斯民大臣之奉行匪  
懈勞來安集熙皞漸復然饒  
之士氣民風未或如漢唐宋  
明之盛也夫稽古者必首成  
周然道人採風備十五國之

貞淫正變所以鏡得失在治  
忽也迄今三百餘篇炳炳烺  
烺垂諸萬禩足以彷彿文武  
成康之治我

皇上以四海永清

詔修統志豈徒誌幅楨之廣表昭

威靈之遐暢已哉亦所以深  
鑒淳漓釀成成周太和之治  
而已余故不復侈前者之盛  
而陳當今之弊庶儒臣採之  
上達亦陳詩納賈之意云爾  
若夫載筆之勤捐資之奮則

通守謝君之序詳矣不復贅  
焉 寄

康熙二十二年冬月之吉

中憲大夫知饒州府事三韓

黃家遴撰

